

Javllaávvo

«Allit ballá! Ávvoságav mán didjij sárnov, ávov gájkka álm mugij....»

Luk 2,10

Jus gatjádav máhtá gus nammadit nágin bágojt ma duv mielas javlajda hiehpi, makkir bágojt de lidji huomahit? lesj mujtáv moadda bágo, akta mij littji baddjen listan la báhko ávvo. «Gledelig jul!» javllap álu dárogiellaj, ja moatten javllalávllagin la javlla tiebmán, dagu «O jul med din glede» ja «Ávvo le, javlla le».

Gå javlajda gárvedahttjáp de ihkap dat merkaj ávov áhtsát? Gå hiervvip javlajda, njálga biebmajt málestip ja nubbe nubbáj vattáldagájt vaddep. Ja miján li moattelágásj javlladábe ma mijájt bagádi majt máhttep dahkat ávov buvtátjit.

Javllaevangeliumma sisadno l ávvo. Evangelium la báhko mij grehkagielas bohtá, ja gå járggálip de máhttep javllat javllaevangelium merkaj «javla ávvosáhka». Dánna gávnnap ienep gå ráde gáktu ávvusit, subtsastaláduvvá juonja birra mij la dáhpáduvvam, ja mij sierraláhkáj ávov buktá.

Javllaevangeliumma álggobágo ælla «Dale lij akti dâlen» ájnat «Dan ájge». Ij la dâssju dijdda mij arvusmahttá ja ájádusájt lâphti, valla dáhpádusá vissa ájgen ja bájken.

Javla ávvoságan li stuorra kontrásta.

Avta bielen li kosmihkalasj dimensjâvnâ subttasin almefuova birra Betlehema duobddágij badjel. Danna Hærrá ieŋŋgil sárnnu stuorra ávov (jali «megaávvo» jus galggá vuodotevstas bágov luojkkat): Mij lij gárveduvvam ájge guovsoj mârj dime rájes la dáhpáduvvam: «Didjij le uddni lánestiddje riegádam!» Valla gå dáhpádusáv álgoldis gehtjat de ij la heva boandâsvuohta: Ij ladnen dáhpáduvá, ij ga idjadimbájken, ájnat stállan.... !

Ja hæjos ræjnára, állu vuolemusán sebrudagán, li sij gudi bessi dási oassâlasstet gå ieŋŋgil njuolgga sidjij sárnnu.

Soajtádahka? Jali nievres plânim? Jali le gus dánna tjâvda ávvuj: jut lánestiddje gånâgis la bohtám, gájkka álm mugij: Juohkka lágásj ulmutjijda, vájk gânnâ sij li ja gáktu sijáj manná. Midjij aj!

Ávvudallup javlajt!

Gunnar Brâthen

Doajmme biskoahppa